

大とび。あゝと小板よゑきる本。本文を細書し
 く。姓氏ウタカハネの名の下に。註のこくフタタリ二行は属ヲサムること。こ
 く。予が志小あゝは。ついえをまぶくこと。書林フミヤキの
 せしわざあまきど。心あゝむ人。予をつゝゝゝとあ
 るべし。

文化四年夏 安藝國人 源 稻彦

訂
新撰姓氏錄

鳥

288
2



新撰姓氏錄序

蓋聞天孫降襲西化之時神世伊
開書記靡傳神武臨夏東征之年
人物漸滋梟帥閒起洎乎神劍下
授靈鳥于飛歸首星陣群凶霧散
膺受明命光宅中州泰階平齊海
內清謐既而謹德考功胙土命氏



國造縣主始號於斯垂仁撫運惠澤彌新舉措得中姓氏稍分况復任那嚮風新羅歸賚爾來諸蕃仰德無思不來懷遠賜姓是時著明允恭御宇萬姓紛紜時下詔旨盟神探湯首實者全冒虛者害自茲厥後氏姓自定更無詐人涇渭別

流皇極握鏡國記皆燔幼弱迷其根源狡強倍其僞說天智天皇儲宮也船史惠尺奉進燼書至庚午年編造戶籍人民氏骨各得其宜自茲以降歷代帝王隨時改正聯綿不絕勝寶年中時有恩旨聽許諸蕃任願賜之遂使前姓後姓文

字斯仝蕃俗和俗氏族相疑萬方
庶氏陳高貴之枝葉三韓蕃賓稱
日本神胤時移人易罕知而言寶
字之末其爭猶繁仍聚名儒撰氏
族志抄案弗半逢時有難諸儒解
體輟而不興皇統彌照聖明生而
叡哲自體性仁威被日出之崖德

光月朏之域停烽廢關文軌爲一
慮周品物思切正名迺降絲綸撰
勅本系緗帙未畢鳳輿登遐天朝
至明紹脩前業至聖承聖垂眷後
謀爰勅中務卿四品臣萬多親王
右大臣從二位兼行皇大弟傳臣
藤原朝臣園人參議正四位下行

右衛門督兼近江守臣藤原朝臣
緒嗣正五位下行陰陽頭臣阿倍
朝臣真勝從五位上行尾張守臣
三原朝臣第平從五位上行大外
記兼因幡介臣上毛野朝臣穎人
等追慕前志推弘此文開書府之
祕藏尋諸氏之苑丘臣等歷探古

記博觀舊史文駁辭躋音訓組雜
會釋一事還作楯矛構合兩說則
有牴牾新進本系多違故實或錯
綜兩氏混爲一祖或不知源流倒
錯祖次或迷失己祖過入他氏或
巧入他氏以爲己祖新古煩亂不
易芟夷彼此謬錯不可勝數是以

雖欲成之不日而猶十歲於茲京畿本系未進過半今依見進以類詮矣本其元生則有三體跡其群分則有三例天神地祇之胄謂之神別天皇皇子之派謂之皇別大漢三韓之族謂之諸蕃所以別全異序前後是爲三體也枝別之宗

特立之祖書曰出自或古記本系竝錄而載或載古記而漏本系或載本系漏古記書曰全祖之後宗氏古記雖云遺漏而立祖不繆但事涉狐疑書曰之後所以辨遠近示親疎是爲三例也夫寸璞尺木尚有瑕節况乎後生叵知前世故

祖次相變世數頗誤則不爲大失
討論而裁成真人是皇別之上氏
也并集京畿以爲一卷附皇別首
未定是諸氏之未明也總爲一卷
附諸蕃尾又有諸姓漏本系而載
古記則抄古記以寫附本系之與
古記違則據古記以刪定今按之

中證引古記則雖文駁而不必改
所以存其文取辭達也京畿之氏
大體罕籠諸國之氏或不必入京
畿臣等奉勅謹加研精摭摭群言
沙汰金礫截舊記之煩蕪採會新
之機要除新系之塗說撮通古之
折中思所以令文約辭易冷然示

一作煖

掌煖乎指南起自神武迄乎弘仁
溫故知新能事粗畢凡一千一百
八十二氏總爲三十卷勤成三部
名曰新撰姓氏錄雖非韋編耽樂
之義玉板翫好之文抑亦人倫之
樞機國家之彙括也唯京畿未進
并諸國且進等類一時難盡闕而

不究其諸姓目列於別卷云爾

錄字下。一本有抄字。

四十四氏。一本作四十三氏。

侯一作股。非下同。

新撰姓氏錄

第一帙

左京皇別

起自龍京息長真人。四十一氏。攝津國為奈真。皇。應。皇。子。

息長真人

出。自。淳。毛。二。侯。王。之。神。應。皇。子。

山道真人

息長真人。後也。日。本。紀。合。二。

坂田酒人真人

息長真人。同。祖。日。本。紀。合。

八多真人

出。自。謚。應。神。皇。子。稚。野。毛。二。侯。王。也。日。本。紀。合。